

GRAD SARAJEVO**Gradsko vijeće**

Na osnovu člana 26. stav 1. tačka 4. Statuta Grada Sarajeva ("Službene novine Kantona Sarajeva", broj 34/08), Gradsko vijeće Grada Sarajeva, na 40. sjednici održanoj dana 30.07.2020. godine, donijelo je

ODLUKU**O IZBORU ČLANA RADNOG TIJELA GRADSKOG VIJEĆA GRADA SARAJEVA****Član 1.**

Nazif Osmanović bira se za člana Komisije za izbor i imenovanja Gradskog vijeća Grada Sarajeva.

Član 2.

Ova Odluka stupa na snagu danom donošenja, a objavit će se u "Službenim novinama Kantona Sarajeva".

Broj 01-GV-02-786/20
30. jula 2020. godine
Sarajevo

Predsjedavajući
Gradskog vijeća
Dr. Igor Gavrić, s. r.

Na osnovu člana 26. stav 1. tačka 2. i člana 28. stav 3. Statuta Grada Sarajeva ("Službene novine Kantona Sarajeva", broj 34/08 - Prečišćeni tekst), Gradsko vijeće Grada Sarajeva, na 40. sjednici održanoj dana 30.07.2020. godine, donijelo je

ODLUKU**O RADNO PRAVNOM STATUSU ZAMJENIKA PREDSEDAVAJUĆEG GRADSKOG VIJEĆA GRADA SARAJEVA****Član 1.**

Miro Lazović, za vrijeme trajanja mandata, dužnost zamjenika predsjedavajućeg Gradskog vijeća Grada Sarajeva obavljat će profesionalno i ostvarivat će prava iz radnog odnosa u Gradu Sarajevu.

Član 2.

Ova Odluka stupa na snagu danom donošenja, a objavit će se u "Službenim novinama Kantona Sarajeva".

Broj 01-GV-02-787/20
30. jula 2020. godine
Sarajevo

Predsjedavajući
Gradskog vijeća
Dr. Igor Gavrić, s. r.

Na osnovu člana 13. Zakona o principima lokalne samouprave u Federaciji Bosne i Hercegovine ("Službene novine Federacije BiH", br. 49/06 i 51/09) i člana 6., a u vezi sa članom 26. stav 1. tačka 2. Statuta Grada Sarajeva ("Službene novine Kantona Sarajeva", broj 34/08 - Prečišćeni tekst), Gradsko vijeće Grada Sarajeva na 40. sjednici, održanoj dana 30.07.2020. godine, donijelo je

ODLUKU**O PEČATIMA I ŽIGOVIMA GRADA SARAJEVA****I. OPĆE ODREDBE****Član 1.**

(Predmet Odluke)

- (1) Ovom Odlukom reguliše se statusni značaj pečata, suhog pečata i žiga za otisak u vosku Grada Sarajeva (u daljem tekstu: Grada), utvrđuje se pravo na posjedovanje i korištenje istih, određuje se njihov oblik, veličina i sadržaj, te se uređuju pitanja: izrade, upotreba, čuvanje, evidencije kao i druga pitanja u vezi pečata, suhog pečata i žiga za otisak u vosku Grada.
- (2) U daljem tekstu ove Odluke, kao zajednički naziv za pečat, suhi pečat i žiga za otisak u vosku koristit će se izraz: Pečat.

Član 2.

(Statusni značaj pečata Grada Sarajeva)

- (1) Pečatom se potvrđuje autentičnost akata koje u okviru svojih nadležnosti donose organi i službe Grada.
- (2) Suhim pečatom se potvrđuje autentičnost nagrada i priznanja koje dodjeljuju organi Grada.
- (3) Žig za otisak u vosku potvrđuje autentičnost akata i dokumenata koji se donese povodom svečanih prilika.
- (4) Pečat se stavlja lijevo pored potpisa službenog lica ovlaštenog za potpisivanje službenih akata, ako isti Zakonom ili drugim propisom nije drugačije određen.

II. PRAVO NA POSJEDOVANJE I KORIŠTENJE PEČATA**Član 3.**

(Pravo na pečat)

- (1) Pravo na posjedovanje i korištenje, odnosno na upotrebu pečata (u daljem tekstu: Pravo na pečat), imaju organi Grada određeni ovom Odlukom, kao i drugi organi koji to pravo steknu na osnovu odredbi ove Odluke i zakonskih propisa kojima su regulisana konkretna pravna pitanja i mogu ga koristiti samo u skladu sa tim odredbama.
- (2) Bilo koja zloupotreba prava na Pečat i samog Pečata podliježe sankcijama, u skladu sa Zakonom.

Član 4.

(Titulari prava na Pečat)

- (1) Pravo na pečat imaju sljedeći organi i službe Grada:
 1. Gradsko vijeće;
 2. Gradonačelnik;
 3. Gradske službe unutar jedinstvenog gradskog organa uprave;
- (2) U daljem tekstu ove Odluke, kao zajednički naziv za titular prava na pečat iz prethodnog stava ovog člana, koristit će se izraz: organi iz člana 4. ove Odluke.

III. OBLIK, VELIČINA I SADRŽAJ PEČATA**Član 5.**

(Oblik i veličina pečata)

- (1) Pečat ima oblik kruga i ima prečnik 70 mm, a pečati ostalih organa i službi Grada iz člana 4. ove Odluke imaju prečnik 50 mm (veliki pečat) i 30 mm (mali pečat).
- (2) Suhi pečat ima oblik kruga i ima prečnik 60 mm.
- (3) Žig za otisak u vosku ima oblik kruga i ima prečnik 35 mm.

Član 6.

(Sadržaj pečata)

- (1) Pečat u prvom koncentričnom krugu sadrži tekst ispisan sitnijim slovima: "Bosna i Hercegovina - Federacija Bosne i Hercegovine", u drugom koncentričnom krugu tekst: "Kanton Sarajevo - GRAD SARAJEVO", u trećem koncentričnom krugu naziv i sjedište organa i službe Grada većim slovima i u sredini pečata je grb Grada.
- (2) Suhi pečat u prvom koncentričnom krugu sadrži tekst: "Bosna i Hercegovina - Federacija Bosne i Hercegovine", u drugom koncentričnom krugu: "Kanton Sarajevo - GRAD SARAJEVO", u trećem koncentričnom krugu: "GRADONAČELNIK", i u sredini pečata je grb Grada, odnosno u prvom koncentričnom krugu tekst: "Bosna i Hercegovina - Federacija Bosne i Hercegovine", u drugom koncentričnom krugu: "Kanton Sarajevo - GRAD SARAJEVO - GRADSKO VIJEĆE", a u sredini pečata je grb Grada.
- (3) Žig za otisak u vosku u prvom koncentričnom krugu sadrži naziv organa Grada ispisan velikim slovima (tekst: "GRADONAČELNIK - GRAD SARAJEVO", odnosno "GRADSKO VIJEĆE - GRAD SARAJEVO"), a u sredini žiga je grb Grada.

- (4) Tekst je ispisan latinicom i ćirilicom, na bosanskom jeziku, hrvatskom jeziku i srpskom jeziku.
- (5) Ako organi i službe Grada iz člana 4. ove Odluke imaju više pečata iz stava (1) ovog člana, iste veličine i sadržine, svaki takav primjerak mora biti označen rednim brojem.

IV. IZRADA, UPOTREBA I ČUVANJE PEČATA**Član 7.****(Izrada Pečata)**

- (1) Izrada Pečata, na osnovu zahtjeva podnesenog u skladu sa odredbama ove Odluke, odobrava se rješenjem gradonačelnika.
- (2) Gradonačelnik će rješenjem odbiti zahtjev za izradu Pečata kada ustanovi da podnosilac zahtjeva nema pravo na Pečat ili ako je zahtjev suprotan odredbama ove Odluke u pogledu sadržine, veličine i broja primjeraka pečata.
- (3) Primjerak rješenja o odobrenju izradi pečata dostavlja se nadležnom organu unutrašnjih poslova.
- (4) Izradu Pečata vrši pečatoreznica izabrana u postupku provedenom po odredbama važećih propisa o javnim nabavkama.
- (5) O izrađenim pečatima u Gradu vodi se administrativna evidencija.
- (6) Evidencija, pored ostalog, sadrži broj i datum rješenja kojim je odobrena izrada Pečata, naziv organa i službe kome je odobrena izrada Pečata, broj izrađenih primjeraka Pečata, otisak Pečata, identifikaciju lica kojem se Pečat predaje na upotrebu i korištenje i datum predaje, podatke o nestanku i uništenju Pečata.
- (7) Evidenciju vodi Gradska služba za opću upravu i zajedničke poslove.

Član 8.**(Upotreba Pečata)**

- (1) Pečatom rukuje i upotrebljava ga shodno njegovoj svrsi službeno lice iz organa i službi navedenih u članu 4. ove Odluke, kojeg posebnim rješenjem ovlasti gradonačelnik.
- (2) Pečatom Gradskog vijeća Grada Sarajeva rukuje i upotrebljava ga predsjedavajući Gradskog vijeća, odnosno po njegovom ovlaštenju sekretar Gradskog vijeća Grada Sarajeva.
- (3) Pečat prečnika 70 mm, koristi se uz potpis gradonačelnika Grada Sarajeva i zamjenika gradonačelnika Grada Sarajeva.
- (4) Pečat prečnika 50 mm, označen rednim brojem 1, koristi se uz potpis gradonačelnika i zamjenika gradonačelnika.
- (5) Pečat prečnika 50 mm, označen rednim brojem 2, koristi se uz potpis sekretara organa uprave, rukovodioca Stručne službe, pomoćnika gradonačelnika i komunalnog inspektora.
- (6) Pečat prečnika 30 mm, koristi se na naložima za plaćanje uz potpise ovlaštenih lica u Gradu Sarajevu, a čiji su potpisi deponovani u poslovnim bankama za raspolaganje sredstvima Grada Sarajeva.

Član 9.**(Čuvanje Pečata)**

- (1) Pečat se mora čuvati i upotrebljavati tako da se onemogućiti njegova zloupotreba.
- (2) O načinu čuvanja i upotrebe Pečata gradskih organa i službi navedenih u članu 4. ove Odluke, odlučuje gradonačelnik, odnosno predsjedavajući Gradskog vijeća za Pečate Gradskog vijeća Grada Sarajeva.

Član 10.**(Neupotrebljivost i uništavanje Pečata)**

- (1) Istrošeni i neupotrebljivi Pečat se odmah uništava o čemu se stara službeno lice ovlašteno za upotrebu i rukovanje Pečatom.
- (2) Pečat se smatra istrošenim kada se ne vidi jasan tekst na njegovom otisku.
- (3) Uništavanje istrošenih i neupotrebljivih Pečata vrši Komisija od 3 (tri) člana koju imenuje gradonačelnik.
- (4) O uništenju Pečata sačinjava se zapisnik koji sadrži mjesto i datum uništenja, broj komada pečata, otisak pečata, naziv organa i službe čiji su pečati uništeni i način uništenja.
- (5) Gumeni pečati uništavaju se spaljivanjem, a žig za otisak u vosku i suhi pečat uništavaju se mehaničkim putem tako da se u potpunosti uništi tekst pečata.

Član 11.**(Nestanak Pečata)**

- (1) Ovlaštena lica iz člana 8. ove Odluke su dužna odmah prijaviti nestanak Pečata nadležnom organu unutrašnjih poslova Kantona Sarajevo i nestanak oglasiti u "Službenim novinama Kantona Sarajevo".
- (2) U slučaju naknadnog pronalaženja Pečata, isti se imaju uništiti na način i po postupku utvrđenom u članu 10. ove Odluke.
- (3) Novi Pečat koji se izrađuje umjesto nestalog mora biti posebno označen.

V. PRELAZNE I ZAVRŠNE ODREDBE**Član 12.**

- (1) Pečati koji su do sada bili u upotrebi, a nisu navedeni u ovoj Odluci, stavlja se van upotrebe.
- (2) Uništenje takvih pečata izvršit će se u skladu sa uputstvom iz člana 10. ove Odluke.

Član 13.

Danom stupanja na snagu ove Odluke prestaje da važi Odluka o pečatima Grada Sarajeva ("Službene novine Kantona Sarajevo", broj 20/00), kao i svi drugi provedbeni propisi vezani za ovu Odluku.

Član 14.

Ova Odluka stupa na snagu narednog dana od dana objavljivanja u "Službenim novinama Kantona Sarajevo", a primjenjivat će se od 01. septembra 2020. godine.

Broj 01-GV-02-788/20
30. jula 2020. godine
Sarajevo

Predsjedavajući
Gradskog vijeća
Dr. Igor Gavrić, s. r.

Na osnovu člana 26. stav 1. tačka 2. Statuta Grada Sarajeva ("Službene novine Kantona Sarajevo", broj 34/08 - prečišćeni tekst), a u vezi sa članom 14. stav 5. Statuta JP "Sarajevo" d.o.o. ("Službene novine Kantona Sarajevo", broj 13/17), Gradsko vijeće Grada Sarajeva, na 40. sjednici održanoj dana 30.07.2020. godine, donijelo je

ODLUKU

**O DAVANJU SAGLASNOSTI NA ODLUKU O
RASPODJELI DOBITI JAVNOG PREDUZEĆA
"SARAJEVO" D.O.O. ZA 2019. GODINU**

Član 1.

Ovom odlukom daje se saglasnost na Odluku o raspodjeli dobiti za 2019. godinu, koju je donijela Skupština Javnog preduzeća "Sarajevo" d.o.o., broj: 01-05-SP-1559/20 od 21.07.2020. godine, koja je sastavni dio ove odluke.

("Službene novine Kantona Sarajevo", broj 34/08 - Prečišćeni tekst), Gradsko vijeće Grada Sarajeva, na 47. sjednici održanoj dana 24.02.2021. godine, donijelo je

**ODLUKU
O IZMJENI I DOPUNI ODLUKE O PEČATIMA I
ŽIGOVIMA GRADA SARAJEVA**

Član 1.

U članu 8. stav 5. Odluke o pečatima i žigovima Grada Sarajeva ("Službene novine Kantona Sarajevo", broj 31/20) riječi "i komunalnog" brišu se, a iza riječi "inspektor" dodaju se riječi "i interni revizor".

Član 2.

Ova Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-GV-02-196/21
24. februara 2021. godine
Sarajevo

Predsjedavajući
Gradskog vijeća
Dr. Igor Gavrić, s. r.

Na osnovu Odluke o privremenim mjerama zaštite ventilacionih koridora utvrđenih u "Studiji o urbanim ventilacionim koridorima i uticaju visokih zgrada", u skladu sa Zaključkom Vlade Kantona Sarajevo, broj 02-04-2751-17/20 od 06.02.2020. godine i Zaključkom Skupštine Kantona Sarajevo, broj 01-04-3436/20 od 25.02.2020. godine ("Službene novine Kantona Sarajevo", broj 24/20 i 1/21), člana 177. Zakona o prostornom uređenju Kantona Sarajevo ("Službene novine Kantona Sarajevo", br. 24/17 i 1/18), te člana 16. stav 1. tačka 1. i člana 26. stav 1. tačka 2. Statuta Grada Sarajeva ("Službene novine Kantona Sarajevo", broj 34/08 - prečišćeni tekst), Gradsko vijeće Grada Sarajeva, na 47. sjednici održanoj dana 24.02.2021. godine, donijelo je

**ODLUKU
O IZMJENAMA I DOPUNAMA ODLUKE O
PRISTUPANJU IZRADI REGULACIONOG PLANA "
CENTAR NOVO SARAJEVO "**

Član 1.

Ovom Odlukom vrše se izmjene i dopune Odluke o pristupanju izradi Regulacionog plana "Centar Novo Sarajevo" ("Službene novine Kantona Sarajevo", broj 41/15).

Član 2.

Član 4. "Smjernice za izradu Plana" mijenja se i glasi:

"Smjernice za izradu Plana su:

- Izvršiti ažuriranje geodetske podloge u obuhvatu Plana u vektorskom obliku u razmjeri 1:1000. Uz geodetsku podlogu potrebno je obezbijediti i podatke o posjedovnom stanju i ažurnom katastru komunalne infrastrukture;
- Izvršiti snimanje i valorizaciju postojećeg građevinskog fonda;
- Prilikom izrade Plana uvažavati, po mogućnosti, postojeće vlasničko stanje, što će omogućiti lakšu realizaciju planirane gradnje, s tim da se u isto vrijeme mora voditi računa o neophodnosti izgradnje sekundarnih saobraćajnica i njihovih priključaka na saobraćajnice višeg reda;
- Potrebno je preispitati postojeće kapacitete društvene, saobraćajne i komunalne infrastrukture;
- Za ukupnu stambenu izgradnju (planiranu i postojeću) planirati neophodne sadržaje i kapacitete društvene infrastrukture za nivo "Sekundarnog centra Novo Sarajevo" prema normativima iz Urbanističkog plana grada Sarajeva za urbano područje Sarajevo za period 1986.-2015. godina, sa

posebnim osvrtom na potrebe planiranja objekata predškolskog i osnovnog obrazovanja;

- Maksimalni koeficijent izgrađenosti u obuhvatu Plana iznosi $K_i=1$;
- Maksimalna visina planiranih objekata iznosi 20m iznad kote terena;
- Na lokalitetu koji je obuhvaćen ulicama Zmaja od Bosne, Vilsonovo šetalište, II i IV transverzala, planirati objekte društvenih i komercijalnih djelatnosti (po mogućnosti diplomatsko konzularno predstavništvo, vjerski objekat, komercijalni sadržaji i sl.), a u preostalom dijelu obuhvata Plana planirati poslovne i stambeno-poslovne sadržaje;
- Kod urbanističke kompozicije i arhitektonskog oblikovanja objekata, voditi računa o osnovnim arhitektonsko-urbanističkim parametrima, posebno stavljajući akcenat na distance i odnos prema susjednim objektima, kao i kompoziciju ukupne ulične fasade;
- Prilikom planiranja, odnosno pozicioniranja objekata, voditi računa da najveća horizontalna dimenzija gabarita objekta uvijek mora biti okrenuta u smjeru ventilacionog koridora;
- Planskim rješenjem nastojati da maksimalni procenat izgrađenosti novoplaniranih parcela, za stambene i stambeno-poslovne objekte kolektivnog stanovanja, bude 60%, zbog uvođenja nove funkcije stanovanja i potrebe za većim otvorenim površinama;
- U toku izrade Plana potrebno je zadržati koncept primarne saobraćajne mreže definisan Urbanističkim planom grada Sarajeva za urbano područje Sarajevo za period 1986. do 2015. godine i usvojenim provedbenim planovima kontaktnih prostornih cjelina, kako položajno tako i po gabaritima;
- Mrežu internih saobraćajnica treba koncipirati na način jednostavne i pune dostupnosti svim planiranim sadržajima sa gabaritom ne manjim od 6,00 m za dvosmjerni motorni saobraćaj, odnosno 4,50 m za jednosmjerni saobraćaj, sa pješačkim stazama širine minimalno 1,50;
- Ispitati mogućnost planiranja biciklističkih staza, zasebnih ili kombinovano sa pješačkim stazama;
- Ispoštovati propise o preglednosti na svim saobraćajnicama u obuhvatu Plana, a posebno u zonama raskršća;
- Saobraćaj u mirovanju rješavati u skladu sa prostornom organizacijom i dimenzionirati ga tako da zadovolji potrebe sadašnjih i budućih korisnika u skladu sa važećim standardima i planiranim sadržajima, uz određeni broj otvorenih (vanjskih) parking mjesta;
- Planirati pješačke komunikacije u obuhvatu Plana, vodeći računa o komunikacijama obuhvaćenim regulacionim planovima kontaktnih područja, sa posebnim osvrtom na Sjevernu longitudinalu;
- U okviru građevinske parcele obezbijediti minimum 25% uređenih zelenih površina;
- Prilikom definisanja prostorne organizacije na lokalitetu Vaso Miskin Crni potrebno planirati minimum 20% parkovske površine u cjelini;
- Zelene površine koncipirati i urediti tako da predstavljaju jedinstvenu kompozicionu cjelinu međusobno, uz uvažavanje svih kategorija zelenila

Član 2.

(Lokacija i idejno rješenje)

Spomen-ploča se podiže na dolaznoj stanici Trebevičke žičare Ramo Biber, a prema idejnom rješenju koji je sastavni dio podnesene inicijative.

Član 3.

(Inicijativa i obaveze)

- (1) Podnosilac inicijative za postavljanje Spomen-ploče je gradonačelnica Grada Sarajeva na prijedlog Udruženja organizatora otpora, veterana rata, dobrovoljaca, prvoboraca i branioaca "Bosnae-Zelene beretke".
- (2) Grad Sarajevo će preduzeti sve aktivnosti na pribavljanju potrebnih saglasnosti i odobrenja za podizanje Spomen-ploče.

Član 4.

(Finasiranje)

Finasiranje postavljanja Spomen-ploče snosit će Grad Sarajevo.

Član 5.

(Stupanje na snagu)

Ova Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-GV-02-1783/21

Predsjedavajući

29. decembra 2021. godine

Gradskog vijeća

Sarajevo

Jasmin Ademović, s. r.

Na osnovu člana 13. Zakona o principima lokalne samouprave u Federaciji Bosne i Hercegovine ("Službene novine Federacije BiH", br. 49/06 i 51/09) i člana 6., a u vezi sa članom 26. stav 1. tačka 2. Statuta Grada Sarajeva ("Službene novine Kantona Sarajevo", broj 34/08 - Prečišćeni tekst), Gradsko vijeće Grada Sarajeva, na 10. sjednici održanoj dana 29.12.2021. godine, donijelo je

ODLUKU

O DOPUNI ODLUKE O PEČATIMA I ŽIGOVIMA
GRADA SARAJEVA

Član 1.

U Odluci o pečatima i žigovima Grada Sarajeva ("Službene novine Kantona Sarajevo", br. 31/20 i 10/21), u članu 4. stav (1) dodaje se nova tačka 4. koja glasi:

"4. Stručne službe".

Član 2.

Ova Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-GV-02-1786/21

Predsjedavajući

29. decembra 2021. godine

Gradskog vijeća

Sarajevo

Jasmin Ademović

Na osnovu člana 13. stav 1. Zakona o principima lokalne samouprave u Federaciji Bosne i Hercegovine ("Službene novine Federacije BiH", br. 49/06 i 51/09), člana 48. Zakona o državnoj službi u Kantonu Sarajevo ("Službene novine Kantona Sarajevo", br. 31/16 i 45/19), člana 48. Zakona o namještenicima u organima državne službe u Federaciji Bosne i Hercegovine ("Službene novine Federacije BiH", broj 49/05), člana 35. i člana 44. Zakona o radu ("Službene novine Federacije BiH", br. 26/16 i 89/18) i člana 26. Statuta Grada Sarajeva ("Službene novine Kantona Sarajevo", broj 34/08 - prečišćeni tekst), Gradsko vijeće Grada Sarajeva, na 10. sjednici održanoj dana 29.12.2021. godine, donijelo je

ODLUKU

O RADNOM VREMENU U ORGANIMA GRADA
SARAJEVA

Član 1.

(Predmet)

Ovom odlukom utvrđuje se radno vrijeme i raspored radnog vremena u gradskim službama za upravu, stručnim službama Grada Sarajeva i Pravobranilaštvu Grada Sarajeva (u daljnjem tekstu: službe i organi), kao i za druga lica angažovana na radu u Gradu Sarajevo.

Član 2.

(Puno radno vrijeme)

Puno radno vrijeme službi i organa Grada Sarajeva raspoređuje se u pet (5) radnih dana i traje 40 sati sedmično.

Član 3.

(Dnevno radno vrijeme)

- (1) Dnevno radno vrijeme utvrđuje se kao klizno radno vrijeme sa početkom radnog vremena od 7:30 do 8:30 sati i završetkom radnog vremena od 16:00 do 17:00.
- (2) Dnevno radno vrijeme utvrđuje se u trajanju od osam (8) sati.

Član 4.

(Odmor u toku radnog vremena)

- (1) Državni službenici i namještenici u službama i organima Grada Sarajeva iz člana 1. ove odluke imaju pravo na odmor u toku radnog vremena u trajanju od 30 minuta, u periodu od 12:00 do 12:30 sati.
- (2) Licima iz stava 1. ovog člana, na njihov zahtjev, omogućit će se dnevni odmor u trajanju od jednog sata za jedan dan u toku radne sedmice.
- (3) Vrijeme iz stava (1) i stava (2) ovog člana ne uračunava se u radno vrijeme.

Član 5.

(Evidencija prisustva na poslu)

- (1) Evidencija prisustva na poslu u službama i organima Grada Sarajeva vršit će se u skladu sa odredbama Pravilnika o sadržaju i načinu vođenja evidencija o radnicima i drugim licima angažovanim na radu ("Službene novine Federacije BiH", broj 92/16).
- (2) Način evidentiranja prisustva na poslu, izlasci u službene i privatne svrhe, preraspodjela radnog vremena (u slučajevima njene potrebe), kao i druga slična pitanja, regulisat će se posebnim aktom gradonačelnice Grada Sarajeva u skladu sa članom 75. i 76. Statuta Grada Sarajeva.

Član 6.

(Prestanak važenja)

Stupanjem na snagu ove odluke prestaje da važi Odluka o radnom vremenu i rasporedu radnog vremena u organima Grada Sarajeva ("Službene novine Kantona Sarajevo", broj 24/05).

Član 7.

(Stupanje na snagu)

Ova odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-GV-02-1787/21

Predsjedavajući

29. decembra 2021. godine

Gradskog vijeća

Sarajevo

Jasmin Ademović, s. r.

Na osnovu člana 26. stav 1. tačka 4. Statuta Grada Sarajeva ("Službene novine Kantona Sarajevo", broj 34/08 -